

Nunatta Qitornai

Inatsisartuni



18.november 2020

UKA2020/131

Innarluutilinnik sullisisutut atorfillit ilinniagaqarnissamut, ingerlaqqiffiusumik ilinniagaqarnissamut pikkorissarnissanullu pisariaqartitsinermik naammassinnittussamik ataavartussamik Naalakkersuisut periusissiorlutilu iliuusissatut pilersaarusiornissaannut piumasaqarfigineqarnissaat pillugu Inatsisartut aalajangiiffigisassaattut siunnersuut. Periusissiam i liuusissatullu pilersaarummi suliniutaasut anguniagassatut allassimasunut naapertuunnersut piffissap ingerlanerani nailersuisarnissaq ilaassaaq. Periusissiatut iliuusissatullu pilersaarut saqqummiunneqassaaq kingusinnerpaamik UKA2021-mi.(Inatsisartunut ilaasortaq Sofia Geisler, Inuit Ataqatigiit)

Innarluutilittatta isumagineqarnerat allatuulli ataqquinartigisumik isumagineqarnissaat qulakkiissaallugu maani inatsisiliortugut pisussaaffitta annerpaat ilagaat.

Nammineq oqartuarpunga nunatta Naalagaaffiit Peqatigiit innarluutillit pillugit nalunaarusiaa nuntasinnut atuuttusanngortimmassuk nunatut piareersarsimanerput naammangerujuttoq atuutsineqalerpoq. Soorunami naalakkersuinikkut angusaqarusussuseqarneq piutillugu angusassaaq sullitassanit pitsaassuseq qulakkeeqqaarnagu sulisoqarpat sullitassatsinnut atuutsitassanut malinnaasinnaanatalu atuutsitsisinnaanngitsumik inissismassuugut. Isumaqtuarsinnarpunga naalagaaffiit peqatigiit innarluutillit pillugit nalunaarusiaanut atuutsitsilernikuuvugut nunatut piareersaatit salliutissimanagit taamaammallu unioqqutitsinerit pisortat atuutsitsinnginneranik peqquteqartut tikkaguagassat amerlaqaat. Nunaavugut qaqqartooq, aqqusinillit qummukajaanik, quتاarlummi inissismasut, nunaqarfippassuallit, aqquserngit tamarmiunngitsut asfalt-eqarput, illut tamarmik elevator-eqangngillat, tummerarpasqualiuvugut, nillertumik apisartumillu nunaqarpugut, allarpassuillu peqqutit taajorneqarsinnaapput innarluutilittatsinnut ulluinnarni inuuniarnerminni aporfigisartagai immikkullu iliuuseqarfigineqanngitsut. Massa pisortatut qulakeersimasassavut.

Taama oqareerluta isumaqarpugt immikkut naalakkersuinikkut ukkatarinninneq pingaaruteqarluin-nartusoq. Periusissiat erseqqissut aammalu nalorninaatsumik siunissami sulisinnaasut kiffartussisinnaasullu amerlasuut pigilerumallugit erseqqissumik periuseqarnissaq pilersaaruteqarnissarlu ingerlanneqartut assorsuaq isumalluarnarmat.

Siorna inatsisartut naalakkersuisut suliakkerpavut innarluuteqartunut naalagaaffiit peqatigiit nalunaarutaanut malinninninersut pillugu nalunaarusiortoqassasoq, tamannalu qujanartumik naalakkersuisut maannakkut suliarileruttorsimasaat tusarluarnaqaaq.

Nunatta Qitornai

Inatsisartuni



Pikkorissaasernerit, inatsisinik kivitsisussat, ilinniartut, periuseq, sinaakkutit, inatsisit, pisinnaati-taaffit aammalu inuttut atugassat tamaasa qulaajarneqartussat takullugu iluarismaarnartutut taal-lugu siunnersuuteqartoq paasilluarlugu kisiannili suliaq pilertoreermat marloqiusamik ingerlatsiso-qannginnissaa anguniarlugu naalakersuisut immikkut allamik aallartitseqqunagit siunnersuut iti-gartipparput, isumaqaratta suliakkiutiginiakkamut naapertuttooreersoq.